



Broj: 01/1-45-_____/23
Bihać, 15.03.2023. godine

ZAPISNIK
SA 3. VANREDNE SJEDNICE SKUPŠTINE UNSKO – SANSKOG KANTONA,
KOJA JE ODRŽANA 15.03.2023. GODINE

3. vanredna sjednica Skupštine Unsko – sanskog kantona održana dana 15.03.2023.godine (srijeda) s početkom rada u 13,00 sati, u sali za sjednice Skupštine Unsko – sanskog kantona, ulica Alije Đerzeleza broj 2, u Bihaću.

Na sjednici je prisutno 28 zastupnika.

Odsutni su: Amir Murić i Elvira Abdić Jelenović.

Ines Delić, zamjenica predsjedavajućeg Skupštine Unsko – sanskog kantona, pozdravlja prisutne u Sali te upoznaje prisutne da je u dogovoru sa predsjedavajućim Skupštine Unsko-sanskog kantona Lonić Mladenom, prihvatila da vodi današnju vanrednu sjednicu Skupštine te koristi priliku da upozna prisutne da je u skladu sa članom 48. stav (2) Poslovnika zaprimljen zahtjev 1/3 zastupnika za sazivanje vanredne sjednice Skupštine Unsko-sanskog kantona sa predloženim

Dnevnim redom

1. a) Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda Kluba poslanika Bošnjaka,
b) Upoznavanje sa Odlukom o izboru predsjedavajućeg i zamjenika predsjedavajućeg Skupštine Unsko-sanskog kantona,
2. a) Odluka o razrješenju Vlade Unsko-sanskog kantona,
b) Odluka o potvrđivanju Vlade Unsko-sanskog kantona.

Bez diskusije, pojedinačnim izjašnjavanjem, sa 26 glasova „za“, bez glasova „protiv“ i 2 glasa „suzdržan“, usvojen je predloženi dnevni red.

RASPRAVA I ODLUČIVANJE PO UTVRĐENOM DNEVNOM REDU

Ad-1

- a) **Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda Kluba poslanika Bošnjaka,**
- b) **Upoznavanje sa Odlukom o izboru predsjedavajućeg i zamjenika predsjedavajućeg Skupštine Unsko-sanskog kantona,**

Ines Delić, zamjenica predsjedavajućeg Skupštine Unsko-sanskog kantona naglašava da je neposredno prije početka sjednice održan Klub poslanika Bošnjaka, te da su uputili u skupštinsku proceduru Odluku o potvrđivanju kandidata za izbor u rukovodstvo Skupštine Unsko – sanskog kantona.

Nakon uvodnog izlaganja, dala je na glasanje sljedeću

Odluku
o potvrđivanju kandidata za predsjedavajućeg ili zamjenika
predsjedavajućeg u Skupštini Unsko-sanskog kantona

|

Jasmin Musić iz reda Kluba poslanika Bošnjaka, potvrđuje se za kandidata za predsjedavajućeg ili zamjenika predsjedavajućeg u Skupštini Unsko-sanskog kantona.

Prijedlog Odluke je sa 20 glasova »ZA«, 5 glasova »PROTIV« i 3 glasa »SUZDRŽAN« dobio potrebnu većinu.

Pauza od 5 minuta.

Nakon pauze, predsjedništvo Skupštine shodno odredbama Poslovnika upoznalo je zastupnike u Skupštini sa Odlukom o izboru predsjedavajućeg, zamjenice i zamjenika predsjedavajućeg Skupštine Unsko – sanskog kantona a koja glasi:

1. Jasmin Musić iz reda Kluba poslanika Bošnjaka, imenuje se za predsjedavajućeg Skupštine Unsko-sanskog kantona.
2. Ines Delić, iz reda Kluba poslanika Hrvata, imenuje se za zamjenicu predsjedavajućeg Skupštine Unsko-sanskog kantona.
3. Mladen Lonić, iz reda Kluba poslanika Srba, imenuje se za zamjenika predsjedavajućeg Skupštine Unsko-sanskog kantona.

Nakon upoznavanja sa predmetnom Odlukom Ines Delić, zamjenica predsjedavajućeg Skupštine čestitala je g-dinu Jasminu Musić, predsjedavajućem Skupštine, te mu predala vođenje sjednice u punom kapacitetu.

Predsjedavajući Skupštine USK-a Jasmin Musić pozdravlja sve prisutne i zahvaljuje se na ukazanom povjerenju, nakon čega prelazi na tačku 2. dnevnog reda.

Ad-2

a) Odluka o razrješenju Vlade Unsko-sanskog kantona,

b) Odluka o potvrđivanju Vlade Unsko-sanskog kantona.

Predsjedavajući Skupštine USK-a Jasmin Musić naglašava da je, nakon što je izabran u rukovodstvo Skupštine i za predsjedavajućeg, u skladu sa Poslovníkom Skupštine Unsko-sanskog kantona, dobio u materijalima prijedlog Kluba poslanika NES-a kojim je za mandataru za sastav Vlade Unsko-sanskog kantona predložen Mustafa Ružnić.

Pored toga, također je naglasio da je dobio i Odluku kojom je dosadašnji predsjedavajući Skupštine Unsko-sanskog kantona Mladen Lonić, uz konsultacije sa zamjenicom predsjedavajućeg Ines Delić, imenovao Mustafu Ružnić za kandidata za premijera Unsko – snaskog kantona.

Nakon čega je Mustafa Ružnić kandidat za premijera, dostavio predsjedavajućem Skupštine prijedlog kandidata za imenovanje ministarsta u Vladi sa biografijama, a koje prijedloge je predsjedavajući shodno odredbama Poslovníka prosljedio Komisiji za izbor i imenovanja koja je razmotrila predmetni materijal te utvrdila tekst Odluke o potvrđivanju premijera i ministarsta Vlade Unsko – sanskog kantona.

Predsjedavajući Skupštine USK-a Jasmin Musić poziva Mustafu Ružnića da se obrati Skupštini Unsko – sanskog kantona.

Nakon čega daje riječ predsjedavajućem Komisije za izbor i imenovanja Aganu Bunić.

Predsjedavajući Komisije za izbor, imenovanja i finansijsko – administrativna pitanja, Agan Bunić, uzima riječ i upoznaje prisutne o održanoj sjednici Komisije, o odlukama i prijedlozima. Shodno Poslovníku Komisija je dobila prijedlog od strane predsjedavajućeg Skupštine u kojem je mandatar za premijera Vlade USK-a dostavio prijedlog imena za ministrice/ministre u Vladi USK-a, na osnovu kojih je Komisija utvrdila prijedlog:

ODLUKU

o potvrđivanju Vlade Unsko – sanskog kantona

- Mustafa Ružnić, premijer USK-a
- Dragan Polimanac, ministar Ministarstva pravosuđa i uprave,
- Samra Mehić, ministrica Ministarstva privrede,
- Muris Halkić, ministar Ministarstva zdravstva, rada i socijalne politike,
- Edvin Alijanović, ministar Ministarstva obrazovanja, nauke, kulture i sporta,
- Esad Bašagić, ministar Ministarstva za pitanje boraca i ratnih vojnih invalida,
- Sanel Mahić, ministar Ministarstva finansija,
- Senad Dizdarić, ministar Ministarstva za građenje, prostorno uređenje i zaštitu okoliša,
- Adis Džanić, ministar Ministarstva poljoprivrede, vodoprivrede i šumarstva,
- Božidar Živko, ministar Ministarstva unutrašnjih poslova.

Komisija je navedeni prijedlog poslala u skupštinsku proceduru.

Predsjedavajući Skupštine USK-a Jasmin Musić se zahvaljuje predsjedniku Komisije za izbor, imenovanja i finansijsko – administrativna pitanja Aganu Buniću i otvara raspravu po drugoj

tački dnevnog reda uz naglasak da će se objedinjeno raspravljati a pojedinačno izjasniti po obje podtačke.

Učešće u raspravi uzeli su: zastupnik Šuhret Fazlić, zastupnik Hajrudin Halilović, zastupnik Agan Bunić, zastupnica Fatka Kulenović, zastupnik Emir Dautović, zastupnica Azra Tajić, zastupnik Zikrija Duraković, zastupnik Asmir Ćufurović, zastupnik Nisvet Jusić i zastupnik Almin Hopovac.

Predsjedavajući Skupštine Unsko-sanskog kantona, Jasmin Musić zatvara raspravu i daje na izjašnjanje

ODLUKU

I

Razrješavaju se dužnosti i funkcije premijer i ministri u Vladi Unsko-sanskog kantona, i to:

1. Mustafa Ružnić, premijer Unsko – sanskog kantona,
2. Sanja Mujić, ministrica Ministarstva pravosuđa i uprave,
3. Samra Mehić, ministrica Ministarstva privrede,
4. Muris Halkić, ministar Ministarstva zdravstva, rada i socijalne politike,
5. Almin Hopovac, ministar Ministarstva obrazovanja, nauke, kulture i sporta,
6. Samir Jašaragić, ministar Ministarstva za pitanja boraca i ratnih vojnih invalida,
7. Vedran Prša, ministar Ministarstva finansija,
8. Adnan Alagić, ministar Ministarstva za građenje, prostorno uređenje i zaštitu okoliša,
9. Sulejman Kulenović, ministar Ministarstva poljoprivrede, vodoprivrede i šumarstva,
10. Nermin Kljajić, ministar Ministarstva unutrašnjih poslova.

Sa 24 glasova »ZA«, 3 glasa »PROTIV« i 1 glas »SUZDRŽAN« usvojena je Odluka o razrješanju Vlade Unsko – sanskog kantona.

Zatim daje na izjašnjanje

ODLUKU

o potvrđivanju Vlade Unsko – sanskog kantona

I

Ovom Odlukom potvrđuje se Vlada Unsko – sanskog kantona koju čine premijer i ministri u sljedećem sastavu:

II

1. Mustafa Ružnić, premijer Unsko – sanskog kantona,
2. Dragan Polimanac, ministar Ministarstva pravosuđa i uprave,
3. Samra Mehić, ministrica Ministarstva privrede,
4. Muris Halkić, ministar Ministarstva zdravstva, rada i socijalne politike,
5. Edvin Alijanović, ministar Ministarstva obrazovanja, nauke, kulture i sporta,
6. Esad Bašagić, ministar Ministarstva za pitanja boraca i ratnih vojnih invalida,
7. Sanel Mahić, ministar Ministarstva finansija,
8. Senad Dizdarić, ministar Ministarstva za građenje, prostorno uređenje i zaštitu okoliša,
9. Adis Džanić, ministar Ministarstva poljoprivrede, vodoprivrede i šumarstva,
10. Božidar Živko, ministar Ministarstva unutrašnjih poslova.

Sa 19 glasova »ZA«, 8 glasova »PROTIV« i 1 glas »SUZDRŽAN« usvojena je Odluka o potvrđivanju Vlade Unsko – sanskog kantona.

Predsjedavajući Skupštine Unsko-sanskog kantona čestita imenovanim članovima Vlade Unsko-sanskog kantona, te ih shodno odredbama Zakona o Vladi Unsko – sanskog kantona i Poslovnika Skupštine poziva da zajedno sa njim ponove tekst svečane izjave, nakon čega će preuzeti funkcije i dužnost premijera, ministrice i ministara u Vladi Unsko – sanskog kantona. Tekst svečane izjave:

SVEČANA IZJAVA

„Svečano izjavljujem da ću povjerenu dužnost i funkciju ministrice u Vladi Unsko – sanskog kantona obavljati savjesno, odgovorno i profesionalno, poštivajući Ustave, zakone i druge propise države Bosne i Hercegovine, Federacije Bosne i Hercegovine i Unsko – sanskog kantona, štitići ljudska prava i građanske slobode i brinuti se o ravnopravnostima i pravima svih naroda i građana Bosne i Hercegovine i Unsko – sanskog kantona“.

Potpisivanjem svečane izjave završena je 3. vanredna sjednica Skupštine Unsko – sanskog kantona.

Sekretar Skupštine
Unsko – sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Jasmin Musić
